

Dr. Mehmed Jahić, redovni profesor, predsjednik Komisije

Ekonomski fakultet Univerziteta u Sarajevu

Oblast: Računovodstvo i revizija

Dr. Meliha Bašić, redovni profesor, član Komisije

Ekonomski fakultet Univerziteta u Sarajevu

Oblast: Računovodstvo i revizija

Dr. Ševala Isaković-Kaplan, vanredni profesor, član Komisije

Ekonomski fakultet Univerziteta u Sarajevu

Oblast: Računovodstvo i revizija

VIJEĆU EKONOMSKOG FAKULTETA UNIVERZITETA U SARAJEVU

Na osnovu člana 106. i 135. Zakona o visokom obrazovanju („Službene novine Kantona Sarajevo“, broj: 33/17), članova 104., 190. i 205. Statuta Univerziteta u Sarajevu, Odluke Senata Univerziteta u Sarajevu broj: 01-23-70/20 od 28. 10. 2020. godine, Odluke Vijeća Ekonomskog fakulteta Univerziteta u Sarajevu od 15. 06. 2021. godine i Rješenja Dekana broj: 02-2595/2021 od 15. 06. 2021. godine imenovani smo za članove Komisije za pripremu prijedloga i izvještaja o izboru jednog saradnika u zvanju asistent, puno radno vrijeme, na oblast „Računovodstvo i revizija“, po raspisanom Konkursu koji je objavljen u dnevnom listu „Dnevni avaz“ i na web-stranici Ekonomskog fakulteta Univerziteta u Sarajevu, dana 11. 05. 2021. godine. Na predmetni Konkurs, prijavio se jedan kandidat: Mahir Proho.

Prema Potvrdi Službe za pravne i personalne poslove broj 07-6-2357/21 od 28. 05. 2021. godine prijava sa priložima kandidata Proho Mahira je blagovremena i potpuna (uredna) sa uslovima utvrđenim Konkursom.

Na osnovu pregleda prijave i priložene dokumentacije, Komisija podnosi Vijeću Ekonomskog fakulteta Univerziteta u Sarajevu sljedeći

I Z V J E Š T A J

1. BIOGRAFSKI PODACI KANDIDATA

Mahir Proho rođen je 30. 05. 1993. godine u Jablanici, gdje je završio osnovnu školu 2008. godine. Srednju ekonomsku školu završio je u Konjicu 2012. godine, te potom upisuje I ciklus studija na Ekonomskom fakultetu Univerziteta u Sarajevu, smjer Računovodstvo i revizija. Kandidat je zvanje Bachelor menadžmenta stekao 2015. godine, odbranivši diplomski rad na temu „Poreski tretman stalnih sredstava“. U toku I ciklusa studija kandidat je ostvario prosječnu ocjenu 8,74.

Svoje školovanje kandidat nastavlja na II ciklusu studija na Ekonomskom fakultetu Univerziteta u Sarajevu, smjer Računovodstvo i revizija. Položivši sve ispite na II ciklusu studija kandidat je ostvario prosječnu ocjenu 9,80. Završni rad na temu „Doprinos interne revizije kvalitetu uspostavljanja i provođenja računovodstvenih politika“ kandidat je

odbranio 07. 11. 2019. godine i stekao naučni stepen Magistar menadžmenta, smjer Računovodstvo i revizija. III ciklus studija na Ekonomskom fakultetu Univerziteta u Sarajevu, kandidat započinje akademske 2019/2020. godine.

Već u toku I ciklusa studija, kandidat je pokazao izuzetne rezultate, zbog čega je akademske 2014/2015.godine angažovan kao demonstrator na predmetima Katedre za računovodstvo i reviziju, a potom i u toku II i III ciklusa studija, kandidat je nastavio obavljati zadatke demonstratora na više predmeta Katedre za računovodstvo i reviziju.

Kandidat se tokom svog školovanja isticao po ostvarenom uspjehu za što je i dobio posebna priznanja/diplome: „Učenik generacije školske 2012.“ – općina Konjic, drugo mjesto na Državnom takmičenju srednjih škola iz Računovodstva – Doboj 2012., drugo ekipno mjesto na međunarodnom takmičenju iz Računovodstva - Računovodstvenoj olimpijadi – Banja Luka 2015. Kandidat je u avgustu 2019.godine pohađao Međunarodnu ljetnu školu u Moskvi kao stipendista Ambasade Ruske Federacije u BiH.

Kandidat je 2017.godine stekao profesionalno računovodstveno zvanje Certificirani računovođa u organizaciji Saveza računovođa, revizora i finansijskih radnika FBiH, dok zvanje Ovlašteni interni revizor, kandidat stiče 2019.godine u organizaciji Akademsko-strukovnog udruženja internih revizora u BiH.

Kandidat je zaposlen u AS Holding doo Tešanj na poziciji Internog revizora grupacije. Prethodno radno iskustvo kandidat je sticao u kompaniji Centrotrans Eurolines dd Sarajevo, također, na poziciji internog revizora.

Kandidat aktivno koristi engleski i ruski jezik, te posjeduje vještine/sposobnosti upotrebe informacionih tehnologija: Microsoft Office (Word, Excel, PowerPoint, Publisher, Outlook, Access), Photoshop, Računovodstveni programi (NAVision, Pantheon, IMIS), Statistički programi (SPSS, Stata, Lisrel). Kandidat posjeduje vozačke dozvole za motorna vozila B kategorije i plovna vozila na unutrašnjim i pomorskim vodama.

2. NAUČNO-ISTRAŽIVAČKI RAD

Kandidat Proho Mahir, aktivno se bavi i teorijskim istraživanjima što ilustrujemo autorskim/koautorskim doprinosom u izradi ukupno 12 naučnih i stručnih radova, čiji spisak slijedi:

1. **Прохо Махир**: Новая парадигма внутреннего аудита - философия добавленной стоимости. Журнал Аудит. Москва, Том: 7, № 5., май 2021. ISSN 2227-9288¹
2. Isaković-Kaplan Ševala, Demirović Lejla, **Proho Mahir**: Benford's Law in Forensic Analysis of Income Statements of Economic Entities in Bosnia and Herzegovina. Croatian Economic Survey. Vol. 23. No 1., Juni, 2021. ISSN: 1330-4860
3. Haris Jahić, **Proho Mahir**: Računovodstvo brendova – je li došlo vrijeme za promjene? Zbornik radova Univerziteta „Džemal Bijedić“ u Mostaru, Ekonomski fakultet. Vol. 18, No. 29, decembar 2020., ISSN 0352-258X
4. Jahić Haris, **Proho Mahir**: Interna revizija i korporativno upravljanje – alati za ocjenu kvaliteta. Zbornik radova interni revizor 2020. Akademsko-strukovno udruženje internih revizora u Bosni i Hercegovini, Sarajevo, 2020. ISSN 2566-4379

¹ Prihvaćeno za objavljivanje

5. **Proho Mahir:** Umanjenje vrijednosti dugotrajne imovine. Porezni savjetnik – stručni časopis. Revicon d.o.o. Sarajevo. Juni, 2020. ISSN 1512-519X
6. **Proho Mahir:** Računovodstvene implikacije COVID-19. Porezni savjetnik – stručni časopis. Revicon d.o.o. Sarajevo. April, 2020. ISSN 1512-519X
7. Isaković-Kaplan Ševala, Demirović Lejla, **Proho Mahir:** Financial reporting of business entities and ethical dilemmas of students in Bosnia and Herzegovina. BH Economic Forum. Vol 11. No 2., Decembar, 2019. ISSN 1986-681X
8. **Proho Mahir:** Ostala sveobuhvatna dobit. Porezni savjetnik – stručni časopis. Revicon d.o.o. Sarajevo. Novembar, 2018. ISSN 1512-519X
9. **Proho Mahir:** Otpis potraživanja u skladu s MSFI 9 – Finansijski instrumenti. Računovodstvo i poslovne finansije. Feb d.d. Novembar, 2018. ISSN 1512-7818
10. Jahić Haris, **Proho Mahir:** Percepcija i mijenjajuća uloga interne revizije. Zbornik radova interni revizor 2018. Akademsko-strukovno udruženje internih revizora u Bosni i Hercegovini, Sarajevo, 2018. ISSN 2566-4379
11. **Proho Mahir,** Boloban Edis: Razvoj Konceptualnog okvira za finansijsko izvještavanje. Porezni savjetnik – stručni časopis. Revicon d.o.o. Sarajevo. Januar, 2018. ISSN 1512-519X
12. **Proho Mahir:** Porezni tretman sticanja stalnih sredstava. Revizija - stručni časopis. Udruženje revizora Federacije BiH, Sarajevo. Maj, 2016. ISSN 1840-0760

3. NASTAVNO – PEDAGOŠKI RAD

Kandidat Proho Mahir je na Ekonomskom fakultetu Univerziteta u Sarajevu u nastavnom procesu angažovan od 2014.godine kao demonstrator na Katedri za računovodstvo i reviziju i izvodio je demonstratorske vježbe iz sljedećih predmeta iz oblasti Računovodstva i revizije na I ciklusu studija: Računovodstvo, Finansijsko računovodstvo, Troškovno računovodstvo, Menadžersko računovodstvo, Analiza finansijskih izvještaja, Revizija poslovanja i Projekat. Kandidat je svojim angažmanom na svim navedenim predmetima pokazao izuzetno visok nivo posvećenosti i uspjeha.

4. PRIJEDLOG S OBRAZLOŽENJEM

Uvidom u dokumentaciju koju je kandidat Mahir Proho dostavio uz prijavu na Konkurs, Komisija konstatuje:

- Kandidat je uz prijavu priložio sve potrebne dokumente za izbor u zvanje asistenta u skladu sa uslovima utvrđenim Konkursom od 11.05.2021.godine.
- Kandidat ispunjava sve uslove za izbor saradnika u zvanje asistent na oblast „Računovodstvo i revizija“.

Pored prethodno navedenih formalnih uslova ispunjavanja Konkursa članovi Komisije posebno ističu da kandidat Mahir Proho ima višegodišnje iskustvo kao demonstrator na Katedri za računovodstvo i reviziju. Dodatno, kandidat u svojim naučnim i stručnim radovima obrađuje niz relevantnih pitanja iz oblasti „Računovodstvo i revizija“, doprinoseći razvoju računovodstvene nauke i profesije.

Na osnovu svega navedenog Komisija konstatuje i jedinstvena je u u mišljenju da kandidat Mahir Proho ispunjava sve uslove predviđene Zakonom o visokom obrazovanju Kantona

Sarajevo i Statuta Univerziteta u Sarajevu za izbor u zvanje asistent na oblast „Računovodstvo i revizija“, u punom radnom vremenu. Stoga, Komisija, sa zadovoljstvom, predlaže Vijeću Ekonomskog fakulteta Univerzitea u Sarajevu da kandidata

PROHO MAHIRA

izabere u zvanje ASISTENT na oblast RAČUNOVODSTVO I REVIZIJA sa punim radnim vremenom.

Sarajevo, 23.06.2021.godine

Komisija:

1. Prof. dr Mehmed Jahić, predsjednik

2. Prof. dr Meliha Bašić, član

3. Prof. dr Ševala Isaković-Kaplan, član
